

橫  
雲  
山  
人  
集

橫雲山人集卷之一

雲間王鴻緒儼齋題

山暉集

首春鷹垂過山園因別北行悵然而賦

海嶠煙初發壁月懸華堂今夕子何夕再拜陳羽  
觴青驪氣超忽玉管聲飛揚人生非麋鹿安得形  
影將

長貧固難守遠別亦足歎不見雙黃鵠翱翔同羽  
翰君爲川上雲余作谷中蘭飛潛各有意去住舍  
悲酸

巧匠作名燈鸞鳳光飛騰主客歌旣醉高樓低玉  
繩人情愛此夕我獨惜離朋願假凌霄翮因風隨  
鯤鵬

風日麗遠岫鶯花平林我有千載意託爾朱絃  
琴朱絃彈復絕吁嗟幽怨深鍾期自茲去流水誰  
知音

池上含桃花春時共斟酌桃萼今始敷子駕青絲  
絡旣悵人別離復悵花開落何以慰相思加餐涉  
長薄

行行泰山陲青蒼日月虧蓬萊一以眺吳練猶在

茲下有共命鳥願託同心枝同心不可見淚落南岡芝

祥風動閭闔蕩誅天門開羣龍旣肅穆太學羅俊才下士不可處王道相與恢在昔園橋側進退何雍哉

結交十步間褰芳得其刺何況萬里塗而我不敬  
苾鏘鏘金馬門落落屠狗市努力崇令名寶茲天廟器

節婦吟

泠泠澗中石皎皎冰上霜貞白兩不磨請歌節婦

木下ノノ年々二一  
三  
章節婦名家女少小栖蘭房聰慧涉圖史矩步鏘  
珩璜王父官亞相叔父殿中郎金貂傳累葉劒珮  
聲琅琅阿母教機杼雞鳴上高堂芳年初及笄春  
花桃李光門前金犢車樺燭紛笙簧共言欣有託  
女心獨內傷牽衣向阿母淚下傾清湘阿母勸勿  
悲孝以事姑嫜姑嫜能愛汝勝居阿母傍

其二

結禱幸有偶作相君子室本以奉百年春風調琴  
瑟詎知中道乖電折雙棲翼填海徒有薪望夫徒  
有石痛哭泉臺魂死殉身敢惜悲哉藐諸孤呱呱

急哺食喪葬襁褓間父兮曾不識猶期形影將根  
葉相扶植誰料若教餒難存左師息煢煢守空帷  
生理何偏側昔爲宜男草今作凌霜柏寡鵠亦有  
命禮嚴中夜泣三復共姜詩千秋存白璧

其三

太息苾泉水還歸阿母家阿母鬢婆娑掩涕相咨  
嗟可憐合歡樹變爲斷腸花可憐雙明珠零落埋  
塵沙去時衣紫鳳歸時衣白麻夫子兩決絕生死  
道路賒所幸母弟存門戶相扶將那堪征斂急鬻  
此嫁時裝貞風厲割耳孝道感枯桑慊傲一室間

友愛何周詳猶爲宗祧計螟蛉奉蒸嘗悠悠泉下  
志薤露空悲傷敢告採風者彤管揚芬芳

上周釜山先生

海內何人重江東僕射先鍾靈峰泖異毓德鳳麟  
全筆陣麾千古文河貫百川蔡邕門倒屣楊震烏  
銜鱣先生授經存古亂後常招屈時來合赴燕獻書丹闕

下射策漢庭前名冠崑阿璧春生杏花鞭含香趨  
畫省委佩儼神仙卽位星辰上秋曹日月邊棘林  
寬法網犀照澈重淵鬼靜黃沙哭宵清貫索躔蕭  
何持律整定國執經偏帝曰明刑善爾爲保障賢

股肱於越近唇齒括蒼連五馬分符貴孤城剖竹  
專澗聲寒動地嶺樹暗浮天麥秀漁陽穗珠還合  
浦泉仁風黃霸遠禮教鄭弘宣露冕行方遍秋尊  
駕早旋王公真恐富平子急歸田粟里居何逸藜  
牀坐可穿雄吟誇杜老妙句似青蓮道峻龍門聳  
名高馬帳懸人倫東國日笑傲北窗年小子今何  
忝元亭得比聯牛心曾侍席雌霓誦成篇孔雀慚  
無對亡羊痛有焉那知蒙許與更自荷陶甄任昉  
推人切侯芭問字虔頑樗思郢匠流水想牙絃覆  
甕知應及攀鱗念獨堅敢歌下里曲皇甫一言傳



擬行路難十八首

奉君蒲桃鳳凰之美錦鸕鷀鶴氅之輕裘佩以垂  
棘浮筠之寶玉飾以魚文犀表之純鈎五色金絲  
開繡帳三漿翠釜羅瓊羞吳姬趙女嬌似雪哀絃  
急管騰清謳勸君及時早行樂曦車六轡無停留  
唾壺擊碎竟何益生存華屋終山丘百年富貴且  
莫保何況貧賤長羈愁酒闌聽我路難曲滿堂颯  
颯如窮秋

其二

愁至無所適欲訪蓬萊仙弱水不可到搔首仰問

天忽覩彩霞際闔闔來輜輶五龍各異色青鳥何  
蹁躑朱旗絳節耀白日霓裳霧縠含輕煙紅顏灼  
灼方綺歲垂髻元雲金翠鈿纖手擲丹砂麒麟擗  
玳筵言自接待來東海三桑田蔡經妄意爪爬背  
須臾便著空中鞭始知仙家未易入失指乃墮崑  
崙巔願還黃庭素書訣放浪陸地終殘年

其三

大江流日夜滔滔不可測人心挾波濤恩怨詎能  
識君不見王敦壓石頭三問不荅傾周侯當年總  
道印懸肘白刃何輕荅良友又不見魏武降下邳

布請將騎中懷疑一言丁董死麾下解鬪渾忘射  
戟者古來報復非常理禍福紛拏多若此惟有臨  
危高令公不負生平翟黑子

其四

君不見春時桃李歷亂開一朝零落委蒼苔君不  
見山頭松柏凌霜色歲久無人自孤植萬物榮謝  
會幾時一生得喪那可知鳳皇每被罽羅困鴟梟  
翔集梧桐枝賈生獻策苦遷逐季主談元隱龜卜  
務華絕根良可傷寧若沈冥老空谷

其五

列宴高堂上炙簧復調絲四座請側耳聽歌田竇  
詞武安初未貴往來侍魏其茂陵寵舅氏咄嗟登  
鼎司嬰也方謝病屏居藍田隱門籍一以除賓客  
從此衰惟有灌仲孺追遊兩不移忽傳丞相語旦  
日訪故知夫婦夜張具榮耀不自持豈料丞相臥  
前言戲乎而駕迎尚無意攬轡殊透遲夫本剛直  
士含憤已在茲及奉東朝詔膝席分雄雌舉觴屬  
丞相發怒雜笑嘻大罵東西尉何效女曹兒案項  
莫肯謝戲騎立繫治嬰誓不獨生廷辨相詆訾轅  
駒兩局趣首鼠安能爲蒼皇尚書詔黯慘渭水濱

鳴呼爭權使氣死  
盃酒霜鋒豈到劉伶首

其六

春風間關百鳥鳴  
黃雀紫燕皆生成  
黃雀銜花來報君  
君心未卜能分明  
翩躚簷際還復驚  
玉童挾彈花間行  
紫燕喃喃自何處  
飛向君家畫堂語  
豈知燕雀有親疎  
雀顧雕梁不忍去

其七

結髮事邊戎  
大小七十戰  
馳射白馬將  
出入若飛電  
猝遇左賢王  
殺傷兩過半  
突圍張大黃  
獨以數騎殿  
自擅猿臂雄  
能教石沒箭  
封侯不遂真  
數奇

東道紆回空受譴向風刎頸報天子麾下千軍淚  
如霰君不見漢家衛霍策高勲單于只道飛將軍

其八

擁衾不能寐愁坐夜似年盛衰感物變愛憎嗟時  
遷相如昔慕文君色繡戶暗把琴心傳當壚共結  
鴛鴦帶滌器難存翡翠鈿止期溝水無相背何須  
嫁時百萬錢一朝獻賦干明主文彩凌雲動九天  
駟馬高車使絕徼縣令負弩趨道邊長門貽金如  
山積茂陵私室來嬋娟臨邛舊日求凰曲又向春  
風理玉絃玉絃未是多情物願得新人免棄捐

其九

潁川學申商峭直敢言事祇圖劉氏安誰道給東  
市爰絲引大體廷諍多慨慷懼禍問培生遮刺安  
陵芻兩人未嘗同堂語一生受患何相似干將易  
折鉛刀存世事須安頑鈍恥君不見牧豕翁如發  
蒙兩端首鼠居三公

其十

楚國郡小吏鼓舌干秦嬴一見拜長史再見拜客  
卿黃金縱反間勁將攻堅城運策二十年竟使六  
國并立創皇帝號已專丞相榮燔燒詩書語銷毀

郡縣兵沙丘事倉猝車令威縱橫豪傑揭竿起烽  
火連咸京上書不得入案治無由明罔悔觀鼠嘆  
猶痛牽犬情君不見范睢蔡澤皆秦相身退終全  
智士名

其十一

長安春風動桃李枝枝葉葉花滿樹誰家羅綺倍  
相親若箇笙歌不知暮博陸輿第黃金塗百官爭  
事馮子都舍人美麗賜珠襦御史大夫當門趨花  
底玉砌鋪氍毹簪裾雜還承歡娛一朝風雨來庭  
隅鴉鳴屋上行人吁滿天光艷瞥時去桃李重開



非故處

其十二

君不見東飛伯勞西飛燕  
天長地遠何由見君不見  
東升皓月西沈日兔躍烏翔  
永相失自從結禱到君家  
離多聚少泣鉛華玉砧秋搗  
三更月珠箔春飄幾度花  
花開花落愁如海難留明鏡  
朱顏在休論一室與天涯  
但願君心常不改

其十三

建章罽屨承露盤  
仙人迴立青雲端  
玉屑曉含湯谷潤  
瓊漿夜滴水蟾寒  
羨門安期翼一遇  
誰道神

山杳無路文成已死五利誅茂陵石馬嘶秋雨秋  
雨淒迷歲月遙青龍推挽天根搖渭城波聲慘幽  
咽涓涓鉛淚垂清宵但知辭漢良可痛詎料移鄴  
還徒勞君不見雀臺人散銅駝沒魏闕荆榛狐夜  
嗥

其十四

丈夫志四方拔劍心茫然驅車出門去腰帶黃金  
纏盡棄蠹魚簡汗漫天地間我欲南遊五嶺北絕  
塞西登劍閣東三山或言伏波征浪泊仰首毒霧  
驚飛鳶定遠苦西域生還不敢望酒泉錦城日落

積善山人集卷十一  
九  
多猛虎蓬萊浪惡無神仙我聞斯言覺路難自顧  
那用囊中錢呼童持錢買耒耜短衣歸種南山田  
南山田兮歲荒穢妻孥啼號兮何以爲年

其十五

朝看日生嶺暮見嶺含雨一雨一晴那可期世事  
推移寧足數君不見張耳陳餘貧賤時結交刎頸  
天下知望深鉅鹿下凶終泚水涓又不見任昉到  
漑情契密一朝生死遽銷歇西華莫收恤練裙著  
冬月誰經嚴霜色不彫誰歷患難心久要齊肩槐  
柳滿昨日張羅烏雀驚今朝驚今朝負風昔酈兄

買友尚爲國策准陰獻昧身固何益但聞廉頗傷  
市交詎見邱成分第宅馬遷所以獨重游俠人慷  
慨淋漓書史冊

其十六

吾觀七國時黠哉陽翟賈販賤復賣貴懋遷恒倍  
估咄咄夏姬子質楚一何苦此貨真可居其利以  
億數挾寶西入秦刻符片言取邯鄲買娉婷當筵  
泛商羽皎皎洛浦神脉脉巫山雨一朝子政王儼  
然稱仲父賓客滿高堂坐享十萬戶著書懸黃金  
觀者競如堵當時荀卿徒安敢獨是古什一不曉

談三王白首殘編棄如土

其十七

咸陽宮燈青玉名層層鱗甲盤螭明九龍五鳳相  
軒翥芙蓉蓮蓋交崢嶸燃以麟膏豹髓之脂澤絡  
以徑尺照乘之瑤瓔嬌娥燈前夜歌舞瓊卮玉几  
波光盈甘泉荒蕪期萬載銅壺銀箭寧知傾當關  
忽閃血風入寶樹倒折搖長鯨長鯨吐燄繞殿走  
文檉繡柱奔雷轟阿房燒盡建章起劫灰相續餘  
空城秦兮漢兮何所極使人弔古增悲情

其十八

勸君莫登五侯門五侯座上無嘉賓勸君莫過七  
貴宅七貴席間多冷炙丈夫胸中雲錦張舉動豈  
肯同尋常雙龍未躍延津去神光早已衝天閭鄧  
禹杖策志竹帛班超投筆威戎羌當其屈蠖風塵  
際燕雀誰知鴻鵠翔人生寧甘鴻鵠之躡翼不願  
隨燕雀咫尺之低昂

草閣

草閣臨風迥孤雲出岫閒數椽依綠樹終日對青  
山徑僻從花放林虛任鳥還始知張仲蔚蕭散是  
柴關

雜詩

吾愛查山麓雲沙得市廛草隨雞柴綠花映犢車  
然百畝皆桑蔭千家有竹連宛如陶令宅風物上  
皇年

其二

郭外青山峻幽壇霽色分峰懸滄海日樓入澗湖  
雲蘿洞留丹竈仙溪蔓赤芹欲求餐玉法笙鶴幾  
回聞

其三

萬里征南道旌旄使節通鼓腰看鐵騎簷額見蠻

童鵲迴抨弓落鐙懸桐酒空晚來門巷閉畫角正  
吹風

其四

滬瀆東趨海魚龍鼓浪驕波吞三泖濶帆接五湖  
遙戰壘沈金甲關門鎖鐵橋年來戎馬息原上長  
春苗

其五

山自秦皇駐巘岼有洞天穿林珠閣迴到面碧峰  
懸花踏巖邊鹿溪鳴雨後泉巢雲貪佛日披豁一  
逃禪



其六

卜築依南畝雲山一草堂  
簾窺江燕熟風煖麥花香  
香舊綠沙前柳新紅野外棠  
黃農誰再覲耕鑿是行藏

其七

雷電驚初豁丹崖瀉綠波  
雨抽三徑竹風漾一池荷  
幸有杯中物何妨醉後歌  
桃源滄海畔咫尺盡烟蘿

見說

見說西湖勝堤楊半拂樓峰  
巒波上碧城郭鏡中

浮珠勒停遊騎雲鬟隱去舟六橋三月景辜負已  
驚秋

遣興

秣陵景物舊陪京挾策曾經兩度行曉日蔣山瑤  
殿迴秋風揚子雪濤平地盤龍虎千峰合城散雲  
霞萬堞晴落託江潭空歲晚六朝烟樹倍含情

其二

長干香刹鬱嵯峩攬轡登臨挈伴過初地林巖秋  
色早諸天鐘鼓雨花多龍宮珠網搖晴日雁墀銀  
燈拂絳河回憶誌公同徙倚關山迢遞隔烟蘿

霽雪

雪霽江村掩濁醪笑看瓊片滿林臯霏霏細點千  
重樹袞袞全翻萬頃濤積素欲留明月影晴巖疑  
倚玉山高只今零落梁園宴何似相如賦轉豪

謁方公祠

方公祠廟橫雲麓駁落莓苔遺像存遼鶴聲留華  
表怨杜鵑啼斷蜀山魂赤眉未展梁侯略厖叟猶  
思召父恩最惜鼎湖仙去日攀髯一墮竟銜冤

有感

日過一日催殘景愁更添愁引濁醪肅肅哀鴻投

澤滿熒熒妖彗射人高三秦諸塞勞輸輓百越降  
王擁節旄何自乾坤戎馬息普天民物樂鈞陶

歲暮

相傳甲第笙歌處今日經行感廢丘烽火異時頻  
在眼陰陽短景故催愁十圍堪嘆門前柳萬里難  
馴海上鷗竊負賈山籌國志喻秦何以達珠旒

山園

石扉霜日靜暉暉晝倚冰壺坐釣磯梅萼數株堪  
索笑山園十畝可忘機銀塘覆竹經冬秀翡翠銜  
魚掠檻飛舉目波濤人世濶賞心雲物莫相違

赤松溪舊傳留侯學道處溪西秦望山有始

皇輦道

祖龍傳說東巡後辟穀留侯此地過萬乘朱旗空  
澗壑千年丹竈渺藤蘿只看黃石祠猶廢那惜驪  
山劫倍多跨海報韓俱泯滅乾坤今古幾橫戈

野望

康王城上邊笳動秦望山頭海霧重地扼五茸屯  
虎豹天涵三島豢魚龍太公韜略知誰授伯樂風  
塵悵未逢且喜庭闈黃髮健繞軒移石對寒松

至日

草閣輝輝雲物新  
官梅汀柳澹芳辰  
星杓夜轉融風動  
葭管陽回碧海春  
棣萼弟兄成遠別  
椒蘭朋舊竟長貧  
不堪弱線增愁緒  
鄧禹年來欲笑人

長門怨

金殿霜深鎖獸環  
秋風紈扇舞衣閒  
嫦娥明鏡情何極  
夜夜長門照玉顏

長江詞

落日秋風滿渡烟  
送余齊到酒壚邊  
吳姬十五能留飲  
爲指長江浪拍天

柳湖

茂苑斜分白苧東  
泖湖淼淼太湖通  
波光萬頃天連碧  
百里輕帆半日風

客中行

結客蘭陵琥珀光  
春花偏映少年場  
滿堂絲竹嬌歌舞  
風月何知是異鄉

送客還白門

春風每自來不識愁  
何處攜手到江干  
送君白門去白門  
春風外漠漠渺飛絮  
高下點君衣似惜君  
行遽君行訪故交  
世胄半黎庶巷口紅襟燕渡頭  
桃葉女風景近何如  
煩君寄一語

村居雜咏

七月江潭上風清萬樹蟬  
網魚牽澤葦剗竹溜山  
泉不減東牆叟長棲南畝田  
步隨耕鋤者虹影落  
前川

其二

盤礴山扉外行吟水竹間  
桔槔喧近澗星漢落澄  
灣仲蔚蒿同隱方平釣獨還  
夜涼殘暑退且復卧  
雲關

其三

東舍藤遮屋西家柳覆門  
酒旗雲外市漁網水邊



村偶出看晴野還須對綠樽  
頽然賒一醉俯仰任乾坤

其四

亭閣池塘上依然隱畫艘  
藕花紅竝檻楊葉綠低  
牕烟細烹山茗香繅撲玉缸  
坐看雲色晚歸鳥恰  
雙雙

山村

山村亂水曲臥柳當溪橋  
野店惟沽酒沙田也種  
苗晚虹連浦樹秋雨到門  
潮濠上應同樂綸竿不  
待招

閣夜憶兄顓士

草閣陰寒歲暮中  
藜牀愁坐嘆飄蓬  
一樽孤對清溪月  
萬里同聽落木風  
家世青氈慚阿大  
年華綠鬢愧終童  
西堂知爾多歸夢  
碣石霜天有塞鴻

喜服西過訪山園

正爾題詩幽徑竹  
喜君來聽石門松  
當庭恐類羊公鶴  
著膝殊慚荀氏龍  
霜淨方塘明曉日  
雲晴碧海見孤峰  
中厨新熟屠蘇酒  
選勝休孤我輩逢

與孝持夜飲

與子清宵醉濁醪  
歌呼三徑委蓬蒿  
山遺石髓憂

時變槎想銀河覺路高塵世自知憎白眼儒生無  
策誤青袍尹班巖谷身同隱千古誰人解佩刀

訪陳徵君故居

徵君精舍碧山邊高隱風流異代傳巖瀨星辰原  
是客華陽冠服總成仙生逢羔雁爲羣日沒應龍  
蛇未亂年試檢晚香遺集在天教甲子義熙前

夜憶鷹垂

寒宵獨坐碧窗晴歲暮離居霜雪清倚劍君馳千  
里駕裁詩我愧五言城當巘裊裊江梅發墮檻微  
微嶠月生少壯非無山海志池魚籠鳥不勝情

園亭賞桂步服西原韻

西園青桂繞亭臺風動天香入檻來  
山客低從花徑坐水窗高向石潭開  
慚無洞壑淮王賦幸有蓴鱸張翰杯  
良夜漏長須痛飲況逢秋月上疎槐

寄錢舍人葆飴

三十才名滿帝京知君非復魯諸生  
神魚秋躍龍池曉鏤管春揮玉殿晴  
誰薦上林官早達却憐湘瑟賦初成  
蕭蕭莫問牆東客聽遍江南二月鶯

橫雲山人集卷之一

橫雲山人集卷之二

雲間王鴻緒儼齋撰

山暉集

秋日雜感

池館松梧玉露清  
秋高水國葦衣輕  
呼羣白雁衝風度  
向晚寒砧隔院鳴  
璧月有愁青桂遠  
銀河無路夜濤生  
腐儒獻策從來拙  
目斷春明萬里情

其二

金川門啓帝圖雄  
梵刹層霄鳳闕同  
窗矚磬廬千嶂  
樹增傳鈴鐸大江  
風天花鹿女香臺  
遍紫蓋龍

輿輦道空鐘鼓只今仍寶地黃雲已沒景陽宮

其三

蔣陵瑤殿鎖層巒  
隧道凋殘樹百盤  
銀海雁沉春草綠  
玉衣雲散夜光寒  
總傳神鬼呼靈蹕  
無復工僚禮碧壇  
憶向寢園瞻石馬  
白頭宮監話艱難

其四

金陵宮闕大江頭  
廢殿無人水自流  
玉女窗寒懸暮雨  
銅駝月冷動清秋  
千尋鎖帶降幡影  
一曲花含辱井愁  
當日新亭誰灑淚  
空傳猿鶴化汀洲

其五

維揚雄鎮大江邊五馬南來似晉年半壁旌旗方  
劃地三齊烽火已連天帳中碧血漂金鉉井底紅  
顏溼翠鈿青蓋不聞還入洛雷塘無塚起秋烟

其六

嵯峨鐵甕俯江流江面金焦翠黛浮烟樹半含瓜  
步影雲濤遙送楚帆秋魏文策馬驚天塹吳帝開  
基控上游南北爭雄皆寂莫白蘋紅蓼滿沙鷗

其七

亂後淒涼白苧城樓臺烟燼綠蕪生翠蛾輦向油  
幢盡紫燕巢從野樹成館廢平津供馬廐圃荒矍

相列軍營諸公坐嘯會何益風雨三江萬古情

其八

雨含秦望風頭黑雲壓東江日脚昏漁網數家懸  
水岬稻花千畝足山村白衣世事憑呼酒蒼狗人  
情且杜門簡懶已銷湖海興誅茅買犢託乾坤

貽王玠右

鄴下才名數仲宣廿年離亂老江邊蓬蒿削跡衣  
冠古禾黍傷心涕淚懸荒圃鋤金嘗割席敝廬炊  
甑慣無煙吳亡二俊都遊洛爭比蘇門避世賢

貽蕭芷崖



小築幽居碧草扃雲溪淡淡水泠泠風流雅託梓  
人傳處士寄  
跡梓人丘壑應垂處士星岩菊有情堪獨把  
江蘼無怨爲誰醒高山更入朱絃調處士  
能詩可許巢  
由洗耳聽

塘上行

瓊蚌含明月瑤光爍重淵本是蓋代珍剖奉君子  
前照耀金銀闕拂拭玳瑁筵婉孌美無匹玩好意  
亦堅錦囊與寶匣藏以長周旋詎知魚目混頓隨  
塵埃捐河漢有轉移桂魄無常全人情憎花落不  
溯開時妍願君明若星羅列麗青天餘輝入鳳帳

照妾媿嵒年

苦寒行

從戎幽并客子身歷險艱邊烽連天舉戍道萬山  
盤髭冷氣結冰雪積堅成齧狂風不少息烈烈高  
林端日月澹無色悲鳥淒以喧縱擁千金裘徒凝  
骨髓寒宵帳沙上宿曉鼓霜中餐劒光白虹發死  
生長倚看劇哉行役心南望增悲酸

長相思

長相思孤棲時垂楊含烟春作絲流鶯當窗啼滿  
枝風光蕩漾君不見零落鉛華妾自知昨宵夢繞

龍城寒甲光鱗鱗戈戟攢笳聲哀哀吹入天尋君  
何處魂茫然長相思淚珠懸

其二

憶君在時桃花紅雙雙花下坐春風今君別去花  
仍在燦爛晴光映綺櫳下階慙慙折一枝欲將千  
里寄相思又恐飄零中路時桃花兮桃花迎風開  
兮迎風落點點斑斑飛繡幕花到明年還復春妾  
貌如花難似昨

西門行

出西門欲何之今我不極樂老大悲已遲  
一解不見

伺晨鳥揚聲當及時何為行愁復坐歎鬱鬱待來

茲解二買燕姬張秦箏滿堂一曲為慢聲我與同心

友炙牛飲酒諧平生解三均堂瀉瓶水東西各自流

墮地亦有命母為兒女憂眼前黃口倏忽白頭解四

善哉行

來日大難車倒釜煎眼前有酒莫謂無錢解一利言

在口利劍在喉爰牧其羊爰飯其牛解二朝生夕滅

楚楚蟬蛸身世有萬事安得常無憂解三月明星光

河漢低昂賓客滿座絲竹滿堂脂車秣馬遊何方

解四青牛老人至道虛圓手把芙蓉遊戲雲天招我

不得上淚下如流泉

解五

將進酒

君不見龍門桐春榮雨露凋秋風又不見滄海月  
三五看同玉鏡懸一朝虧卻銀鈎沒光華到眼詎  
幾時富貴神仙總銷歇不聞蓬瀛清淺麻姑老巨  
鰲骨朽空仙島柏梁銅柱起承雲茂陵鳧雁埋秋  
草念此榮名等電光妍媸勿與時人道時人貴耳  
不貴日夜光按劔深藏積無鹽自謁入宮庭毛嬙  
中毀離金屋世間美惡那足競繩樞甕牖貧非病  
名爲官微薄子雲文因勢盛尊王今呼童且把叔

夜杯牀頭蒲萄新潑醅何妨士簡詩千首結客糟  
丘醉百迴百迴醉倒酒爲年傾家幸有杖頭錢今  
宵正好秋江上共採芙蓉泛酒船

北風行

北風烈烈天氣寒雪花一夜堆闌干樓頭小婦侵  
晨起獨啓文窗攬鏡看鏡裏芳顏嬌白雪葡萄衾  
冷常孤絕自是征夫塞上行陌頭桃李三年別三  
年含淚織流黃萬里音塵隔戰場隔戰場掩空房  
年華改失鴛鴦鴛鴦已失雙飛翼雌者南棲雄者  
北南棲猶自泛蘋洲北去無爲金羽得

夜坐吟

孟冬夜坐玉漏長芙蓉繡幕垂蘭堂銀釭孤照愁  
欲絕雲鬢青流明月光明月光照空牀空牀不眠  
心獨傷君歌哀怨雜清商雜清商弄明璫體君曲  
繞雕梁聲有歇心難忘

上元集周釜山先生齋

良夜笙歌雜綺筵錦屏迴合檻梅前座逢北海清  
樽滿袖倚東山舞伎偏璧月重城懸暮雨銀鐙萬  
戶鎖春煙將車敢道荀陳聚小醉叨隨杖履邊  
侍家大人西園小飲次韻同鷹垂作

精學山人集卷之二  
木  
短牆修竹鎖窗紗杖履蘭亭敢自誇溜雨溪梅交  
檻溼受風江鶴入雲斜痛呼公瑾三盃酒醉踏蘭  
成滿屋花我本腐儒慚祿養春來兄弟憶京華

送友人遊燕

海角蓬門向晚開喜逢今日故人來何緣柏酒驚  
心綠忽漫春風去鷁催萬里江湖原浩蕩九天宮  
闕自崔嵬大賢虎變須臾事此別間關且莫哀

其二

忽唱驪歌野水濱關河雨雪正逢春苦遭世事催  
年老忍見巖花刺眼新且倚風塵甘作客未知肝



瞻向何人由來才大多零落遊子休嗟折角巾

送林平子

單車老作薊門行驛路春風萬里程馬首嶽雲籠  
樹出天邊燕月近關明梁園詞賦尊枚叟楚國賓  
朋重穆生自是京華多舊識一時冠蓋有逢迎

輓中丞宋直方先生

蘭臺風賦舊知名執法光沉返苧城白馬素車惟  
故友寒烟細雨又清明頓令七子芳華歇相繼三  
君宿草平泉路若還逢仲舉衣冠今古兩含情

子先生也

暮雨

春色生殘歲雲屯欲暮天竹梢濛細雨林杪出炊  
烟賤畏曦車速貧慚犢鼻穿眼看堤上柳搖曳入  
新年

野望

目斷依依樹風寒漠漠天饑烏鳴土坂閒犢散原  
田野老歸村晚魚牀逼水懸柴門三尺地隨步即  
溪邊

臘

賸臘農功歇人家混市廛虎貓迎卒歲豚酒祝豐

年謹索溪頭女燒荒隴上田食毛空廿載俯仰戴  
堯天

漫成

獨坐園林晚江村望眼寬海明虹透樹雲帶雨成  
齷入饌魚三寸遮堤竹數竿莫悲窮烏賦長憶楚  
江蘭

其二

挂網簷前樹緣溪屋後橋林低初上月風帶晚來  
潮參語歸村叟行歌出谷樵桃源何必問長此足  
逍遙

其三

竟夕驚雷電陂塘漲白波  
曉看江雨盡晴覺海山  
多綠挂高齋柳青迷曲檻  
蘿墨池饒古趣時養右  
軍鸞

其四

楊子能忘世幽棲天一涯  
引泉縈石徑編竹俯溪  
沙語客林中鳥清人雨後  
茶牆東堪小隱何事憶  
京華

秋日周子過余山園

有序

周子交同玉友來雀舫於三江  
曾貫驪珠動夜

光於一室叶南皮之會客盡鸞龍譬東序之珍  
人皆珪璧喜小山之有桂非金谷而名園池塘  
水綠風生叔度之波巖石秋懸電瞬安豐之日  
有遜漳渠之勝猶懷濠濮之思光浮琥珀看殘  
府內江蓮朗似玉山恍竝月中風柳幸合一龍  
而連璧賦擲金聲中藏全豹以抽毫瀾傾玉海  
雖樂公之壻湛比冰壺而王令之文家慚瓊樹  
屬以亡羊掩淚聊同楚客之吟別鵠言愁用續  
平臺之響云爾

亭臺圍錦石松竹暗秋烟客到憑花檻香籛酌玉

泉山潭浮鏡濶荷蓋裏珠圓景物借朋輩糟丘合  
度年

月

江月樹中生高齋露氣清影盤烏鵲起光射石潭  
平星塞宵同白霜砧拂更明吾從丘壑隱不作異  
鄉情

命酌同孝持

清風池畔酌移榼近雲根沙淨波明檻林空月到  
門嘯歌常自得賓客久忘尊癡愷三年在慚非習  
氏園

曉渡

險絕春申口，狂風十月濤。  
江豚排浪起，浦樹透帆高。  
未識蛟龍意，誰嗟舟楫勞。  
同行有公瑾，且復進醇醪。

歸山園檢校

歸步江田側，柴門古巷通。  
徑深千竹外，木秀一園中。  
巖麝饑窺牖，庭鷓晚噪風。  
山厨白酒熟，細酌卧牆東。

暝

石逕寒煙暝，高齋獨坐清。  
溪風兼葉捲，崖月抱簷

明養拙甘丘壑浮名讓友生  
哀哀天外雁怪爾尚孤征

採蓮曲

采采江水濱荷花照臉新  
莫愁西日晚明月解留人

宮詞

霜淨金階冷蟲吟綺閣秋  
嫦娥明鏡裏亦自伴人愁

山中

春雨連朝夕林岩喜日晴  
杳然人世外坐看白雲



生

憶兄顯士

遙憶關河旅夜寒  
淒然無伴歇征鞍  
明朝又上青齊路  
殘月千山馬首看

上元

良宵雲散碧天澄  
簫管烟光共沸騰  
遊騎莫驚雞樹艷  
紅樓還有百華燈

金陵

金陵霜落九秋天  
景物回思是去年  
桃葉渡頭江水綠  
長干埕上寶燈燃

宮怨

御筵一曲試霓裳舞罷空歸掩象牀銀箭卻催瑤  
殿閉珠簾如水月如霜

鐵馬行

西郊鐵馬房星精鳳臆龍髻神骨輕玉花閃落汗  
珠赤隅目光突青銅明只今 天子市駿骨黃金  
臺高懸百鎰紫韁牽向玉階行天厩驅黃當辟易  
中使覆錦韉騰達揮金鞭朱鬣凌風掣電疾冰雪  
寧畏元蹄穿合與八駿同奔旋不爾鐵甲重兩銜  
與人轉戰無敢前馳突沙塲雲鳥陣驕嘶血飲獨

流泉何爲日暮斷牆側耳批秋竹排風直蠻奴戰  
裙頭虎毛鞭隨凡馬走杞棘乃知拳駟照夜須人  
識哀鳴枉盡馳驅力寄語人龍莫自悲風塵伯樂  
真難得

學仙行戲示顧子

學仙誰到三神山騎牛誰過箇谷關瓊樓玉筮搗  
靈藥徒令漢武凋朱顏聞道洪崖三五輩笙簫蓬  
島長千載金闕銀臺事果真今日何無一人在寶  
鼎神丹那得成不如月下傾壺罌有錢但應沽美  
酒勸君莫尋五羊城公卿世上且難遇何況欲遇

安期生趙女瑟燕姬箏華鐙綺席莫停聲使我百  
年常快意那憂白髮餌黃精君不見徐生東泛滄  
瀛月漫載秦宮玉貌人空隨素影鯨波沒又不見  
淮南秘術矜鴻寶雞犬何曾得入雲八公賓從埋  
荒草兔滅烏升年復年醉倒牀頭是謫仙華陰假  
使驂鸞去少別千秋亦可憐

與鷹垂夜話有感

山窗星斗動寒宵三徑松篁迴寂寥湖海詩名蓬  
鬢短乾坤踪跡帝鄉遙此生已分牆東隱與爾長  
爲谷口樵苦憶少時鸞鳳侶風塵回首隔層霄

登臺野眺

郊原路阻經旬雨野豁閒行始上臺白日曉懸三  
島外晴雲春傍五湖來綠餘岬柳還堪贈紅入山  
櫻且莫開風土山川原不惡流光短鬢暗相催

憶兄顓士下第南歸

幽燕遠客三千里南望鄉關涕淚餘漢闕未收劉  
向策洛陽空負賈生書歸鞍嶽樹穿雲迴倚棹江  
風激浪虛漫道弟兄誇綵筆春深同掩北山廬

送友人入都

楊柳江城紫燕飛送君三月向 皇畿遊梁詞賦

宗司馬入洛才名擬陸機花滿津亭迷驛騎雲消  
關月上征衣薊門倘憶幽棲客風雨經春偃石扉  
暮歸

江天露白風蕭騷長鏡短褐走蓬蒿灘雁哀哀雲  
際去明星熒熒川上高欲往薊門阻雨雪思渡湘  
水愁波濤男兒齷齪守鄉井莫使聲華感鬢毛

雨

蒼龍晝翔閃赤電波騰澗底鳴春雷島嶼漠漠雲  
外失江鶴霍霍雨中來溪斷繩橋客不到坐愛巖  
谷窗獨開向晚頓豁滄海色邀月移樽且上臺

鷹垂歸自江上集西園限韻同孝標兄子武

作

憐君三月客江臯旅舍風塵長鬢毛芳草故園成  
遠夢黃花佳節幾登高乾坤失馬頻驚眼身世亡  
羊合補牢今日竹林須共隱前賢漫擬興滔滔

其二

竹窗風榭俯蘭臯歸鳥重簷刷羽毛曲澗澄波迎  
日暖層巘黃葉翳雲高溪山應共芳樽好蘿薜能  
縈錦石牢幸有故人堪把辭誰令詞賦自滔滔

與鷹垂

湖海三秋行路難到來巖壑薜蘿殘昏鴉叫月霜  
林迴虛檻含雲水閣寒司馬浪遊文筆健步兵長  
嘯酒杯寬邀留有愧南州榻修竹山園好共看

送周子歸山中

扁舟君向千山去小閣層巒坐翠微石徑霜凋松  
桂老水門秋淨鷺鷗飛一杯濁酒能忘世五畝荒  
園且息機谷口倘栽懷舊賦江魚莫遣暮潮稀

病起同蘧廬作

伏枕重幃三十日起來落水已蒼然親朋喜把霜  
樽滿兄弟同看嶠月懸消渴文園還作賦煩疴徵



士幾遺牋家山大小堪雲卧擬築糟丘度歲年

宿千山訪周子不遇

青蒼山上松磊落山中客入山雲氣深弄景忘日  
夕日夕悄以肅月動虛巖白岫戶暗生風寒泉微  
漱石翻飛鳥鵲驚轉覺萬籟寂頓生丘壑心坐悵  
風塵迹開軒理瑤琴提壺倚青壁杳杳周顛駕蕭  
蕭謝公屐想見巢居人欲訪烟霞隔

晚出

晚出荆扉外遙望秦山岑秦山疊巘嶸蒼翠一何  
深古殿穿木杪晴嵐翳日陰昔駐東遊輦今爲祗

樹林緒鞭事不成空頽英雄心英雄不可作愾然  
懷古今

西園

步屣窺西園三徑塵蹤屏落木縱橫深闕牖涵風  
景團團日逗溪波動山搖影綠崖蘭橈峻壓檻秋  
篁整寂歷鳥依人窈窕雲歸嶺夙想靜者便此意  
今超領善藏天地內蕩滌同箕穎

江月行送孝持

有序

蓋聞勾吳高士琴書棲丞相之園於越良朋風  
雨入江州之室是吹埴則佩紉湘蘭傾蓋則行

追荆玉矧牀攜光祿不間疎籬門接右軍無逃  
苦竹者哉我友顧子系本彥先才高元嘆綴江  
花於鏤管寶樹春榮絢遲錦於鸞箋激霞朝爛  
陋子雲之玉卮華而無當賦伯喈之翠鳥麗矣  
能經文窗瀉溜星光蕩甃社之湖辯海迴瀾珠  
浪滾驪龍之窟且齋懸靈嶽之圖衆山俱響壁  
遣滄洲之趣溟渤長流詩歌永日常持高鳳之  
竿閭巷垂髫曾執梁生之荻恨青袍之未脫喜  
白社之時尋相邀雞黍榻留仲舉之賓亦有琴  
樽帷靜傳昭之戶何幸却生竟披蓮幕祇隨名

木下山人集卷之二  
父竊映霜臺早掛蟬冠久類晉平之恐富晚看  
巖菊自甘彭澤之辭官雖裝無陸賈讌喜之金  
而道隆郭泰人倫之度但階拂龍門之樹我媿  
瑤林座來謝氏之朋君當明月綠溪壘石窗流  
慧曉之泉紫岫臨風逕繞王恭之柳時或鶯簧  
春囀共剖雙柑更逢蛙鼓秋鳴欣聽雨部兼以  
東西接屋兄聯洛下之居大小名山弟附河東  
之數分經校藝午夜流螢把盞論文晴峰借雪  
騁黃馬之談劇憐四子剪巴山之燭今已三年  
何鶯花之春聚忽燕雁之秋分舟維南浦愁心

與江水俱長席散西園仙侶隨溪雲共去屬以  
時吹廣莫蘆花蕭瑟於寒灘候介元靈松響淒  
涼於別館還憶南北征輪同悲窮鳥今日翻飛  
岐路更痛亡羊嗣後有懷安道莫回剡上之船  
倘再睽念嵇康須命山中之駕嗟乎烟濤脉脉  
島嶼蒼蒼何必絕塞之行始下李卿之淚請唱  
驪歌汰茲別緒

去年客走雲陽道蔣陵木落秋容早今年歸卧秦  
望山讀書閉關滄江灣閉關歲暮人欲別把酒更  
對滄江月滄江月出掛江樹江樹遙遙送君處送

君轉憶識君時淒涼池館三年住池館三年同講  
席疑義相叅晨與夕夜雨吟生帶草青螢窗花吐  
銀釭白那知著就孫弘策偏側風塵竟何益景陽  
虛聽幾回鐘京口空浮江上舶俱是乾坤岐路人  
分途更下楊朱泣不敢重誇八斗才倦游那得金  
張力噫吁噓悲莫悲兮生別離寧論千里與萬里  
驪歌一唱今行矣驪歌唱兮不見汝月明空繞滄  
江去

放歌行示顧子蘧廬兼呈兄子武

吳山蕭蕭木葉稀五湖秋漲鱸魚肥烹魚呼酒共

耳熱秋光玉露沾人衣致身卿相苦不早男兒那  
事江村老春花須醉帝城風含香起草明光宮章  
臺走馬今已晚機雲何自長江東昨夜秋聲帶雨  
來江籬碧色幽人哀安得高陽二三侶憑軒痛飲  
心爲開金印自能談笑得玉山何遽形神頽黃河  
未倒北流去擁篲當上燕王臺嗟君終歲但埋首  
點檢殘編守窗牖草元尚白徒爾爲按劔彈冠復  
何有虞卿著述心猶左張儀舌在還推我豈學東  
陵邵平瓜青門憔悴春園花我欲辭家去吳越金  
馬獻書瞻鳳闕黃石陰符秘已傳何爲獨掃松岩

月

橫雲山人集卷第二



橫雲山人集卷之三

雲間王鴻緒儼齋撰

山暉集

城南行

春風二月百花明  
桃李陰陰遶苧城  
晴岬亂飄千片雨  
碧溪斜度一聲鶯  
鶯聲盡日城南陌  
攜酒看花來上客  
把袂朋聯孟氏珠  
同車人羨潘郎璧  
把袂同車到水亭  
層巒曲逕俯雲汀  
王猷園竹當窗翠  
中散庭楊入幔青  
須臾饌玉開芳讌  
更得佳人弄歌扇  
挾瑟疑從湘浦來  
迴風宛自陽臺見  
陽臺

湘浦更如何十五青樓號素娥塞外臙脂生兩靨  
石州螺黛發雙蛾兩靨雙蛾嬌阿杜銀箏翠管調  
鸚鵡生成羸女善吹簫自小河陽能學舞霓裳妙  
舞柘枝臺銀燭光明徹夜開歌斷雲英還自度拍  
留賀老更能催此時玉貌花相妒此時嬌態人偏  
忤嬌態嬌嗔劇可憐廣場魂斷凌波步凌波微步  
共留連醉客斜憑曲檻邊坎坎城頭搗戍鼓熒熒  
星影動江天共期芳草無離別共期玉兔無圓闕  
誰道南皮賓客稀頓憐金谷笙歌歇笙歌消歇易  
添愁薊北相思明月樓書札幾看邊雁斷鄉關遙

望暮雲稠更憐神女歸仙洞翠鈿冷落埋荒壟綠  
柳嗟非靜婉腰乳鴉啼殺真娘塚余也幽棲水一  
涯清江把釣日西斜樵歌牛笛秋光晚落盡山園  
滿徑花

遣悶二首

我所思兮在燕山朔風雨雪愁間關間關萬里那  
可度黃河水溜聲潺潺念此遠問津甘棲東海濱  
落花空自暮枉殺秋復春閒垂任公釣徒濫北郭  
巾雞豚滿窮巷柴逕絕朱輪逢迎不出故與親馳  
驅不出里與鄰乃知男兒五車復十乘不及江湖

遊俠人

嗚呼我將耕種南山南桑麻事業眠春蠶間向層  
崖結茅屋藥欄花榭臨風潭豈必勲名畫麟閣始  
從東海投華簪君不見陶潛歸種籬邊菊濁酒盈  
槽巾自漉把盞無心弋冥鴻看山有興隨麋鹿麋  
鹿青山當比鄰祇應言道不言貧時清將相誰延  
士何必暮遊楚兮朝入秦

有感

古刹一老僧龍鍾住北郭日落頽垣不見人狐兔  
窺窗伴寂寞自是昔日佳公子名隸金吾莫與齒

父專黃鉞掃百蠻高衢甲第連雲起盤走鮫人海  
外珠牀高火浣蕃中綺跨馬黃鬚印笮兒佩刀錦  
袜公孫妓豈意北來烽火烈憑陵鐵騎堅城裂京  
觀難尋鮑信屍蓼莪幾泣王褒血浪隨島嶼覓秦  
庭家山杜宇空啼月共道精誠脫戰場至今孝義  
同冰雪叢林五十長衰疾山鬼窈窕禪燈黑昔日  
笙簫紅粉樓今朝鐘磬維摩室昨攜錫杖市中行  
田父知名增嘆息嗚呼干戈得喪豈自由如君直  
與古人求君不見三川守東陵侯黃犬不足道青  
門老一丘意氣猶夙昔富貴隨東流

冬月

冬月江村淨霜林旭日懸喜添昨夜雨不灌隔溪  
田圃曠饑烏集簷暄小犢眠長歌白石爛自得此  
山川

索處

索處我何事消愁有一罇稀微星間木豁達月當  
門狗監違時命牛衣漬淚痕無能昧生理詩句信  
乾坤

曉寒

山居建子月茅屋曉多霜隨步臨風壑閒眠倒竹

牀凍雲侵樹黑積葉覆巖黃池館高寒地燃鑪漉  
酒嘗

小築

小築東江曲茅亭對水門徑深喧野雀葉淨露孤  
村失路嗟裘敝驅寒賴酒溫三冬日易夕林黑近  
黃昏

柴門

晚出柴門外川平水木空片雲陰釀雪歸鳥駭盤  
風拾穗看鄰女行歌趁牧童興消三逕返寂莫檢  
詩筒

小至

小至江村夕繁霜報祀同簪纓君子澤俎豆古人  
風候增灰初動書雲歲屢豐一盃逢令節倚醉數  
歸鴻

吾道

吾道今何適棲遲守一丘陰晴開石閣朝夕坐溪  
頭徑黑雲封樹巖明月吐樓飛騰鴻鵠志銷卻付  
滄洲

歸

高原風日好落雁曉偏聞秦望山遮屋東江水出



雲市橋欹尚在田徑曲能分歸到松齋寂應同麋  
鹿羣

冬日過山園漫咏

十畝松筠滿烟霞一草亭檻縈江水白窗矚海峰  
青避客同張薦逃名似管寧蕭蕭天地濶哀雁度  
前汀

其二

菊廢陶公徑蓬荒孺仲居巢烏饑啄木溪鷺晝窺  
魚座上雖無酒牀頭亦有書開軒攬晴色雲盡海  
天虛

其三

古榭經霜雪依然護薜蘿  
檻梅斜壓逕窗石半侵  
河地合元卿隱朋偕羊仲過  
一丘資俯仰長賦五噫歌

其四

霧豁江園霽川平落木空潭魚晴抱日林翼暖舒  
風課僕尋冬笋提筐摘晚菘幽棲誰得似千載有  
君公

其五

澗柏陰成幔冬雲霽作峰  
溪山容謝客猿鶴伴周

顛飯煮胡麻熟裳兼薜荔縫脩然如太古物外有  
遺蹤

其六

乾坤吾學圃茅屋對晴郊雲裊窗中樹烟生野外  
庖檻猿饑攫果林雀暮爭巢寂莫同楊子無心作  
解嘲

其七

石刺鈎衣軟臨風晚步遲舊名王粲井今媿習家  
池紅入梅崖萼青歸柳岬絲欲裁封禪草無力補  
清時

其八

野簇江邊樹雲寬谷口天空梁堤獺窠虛牖水禽  
穿阮籍惟長嘯王通有薄田飛鳴俱未得嬾散卧  
林泉

西園

每愛西園好清樽倒竹亭石潭流霽月岩木雜秋  
星兄弟同晨夕乾坤任醉醒寥寥無識者空著大  
元經

擬古

落日慘無色悲風號白楊浮雲東南征冉冉迷故

鄉故鄉不可見浮雲舍我翔鳴鹿遊古阪文雉雒  
高岡物情競依戀儔侶何徜徉悲哉遠遊子沉吟  
委道旁淒淒若飄雨忽墮天一方

其二

灼灼庭中桃艷冶二月花與君期新婚燕婉及年  
華贈我玳瑁簪報君鮫人紗結我青羅襦俟君金  
犢車女蘿附長松縈抱無偏斜詎知中道阻奄忽  
良會賒夢見在一室既覺逾天涯錦衾獨愁卧淚  
落聞啼鴉

其三

兀坐忽不樂行行上西山緬懷採薇者高風尚可  
攀小人競肉食君子畏素餐睠彼蔓草榮毋寧蘭  
蕙殘

其四

鴻雁雲中落銜得盤龍綺攬之揚光輝驚視何有  
爾長跪啓其緘故人書一紙但道敦兩心奚須怨  
萬里豈無箱中衣可被春與秋豈無機上絲可織  
衾與裯一物亦區區感此情綢繆

其五

惘惘征戍客綿綿萬里道元陰覆大河白露凋秋

草書行被甲弓暮宿依城堡不歷關塞艱焉知故  
鄉好身名嗟未成旋歸苦不早常恐日月馳沉憂  
易衰老零落無人憐強飯乃自寶

其六

纍纍鄣杜陵漠漠驪山路秦漢餘荒烟野田團白  
露生時狎神仙化去親狐兔宮闕他人居寢園何  
必固雄風久寂莫萬古竟長暮

其七

濃花笑春日綠葉辭秋林盛衰屢易候鬱紆關塞  
深東鄰行復歸君何久滯淫聳身遠莫致佇立愁

難任白雁東南翔  
雙雙逗哀吟  
低徊度長薄  
遺我征夫音  
悽愴不能辨  
涕淚霑衣襟

其八

江邊有浣女  
娟娟映桃李  
新妝炫晴波  
皓腕嬌芳芷  
窈窕誰其儔  
湘妃與西子  
爲誰揚雙蛾  
爲誰啓玉齒  
盲俗憎朱顏  
零落自此始

其九

良夜懸華燈  
珠鳳雜星光  
彈箏復擊筑  
賓客喧高堂  
座無膝席者  
行酒誰低昂  
素心齊貴賤  
舉度諧嘉臧  
笑彼孟門險  
乃生杯酒芴



其十

步出北郭門鬱蒼松柏昏古墓何纍纍荒涼石獸  
蹲芳名藉人口白骨填荒村揣此變化理動息難  
久存毋爲苦貧賤空今歲月奔我師逍遙遊浩浩  
達者論

其十一

丁年戍絕域皓首乃得歸封侯事不成拊髀良自  
悲陰雨箭瘢痛心骨爲之摧殺人餘寶刀鏽澀刈  
園葵猿臂刎其喉麾下嗟何爲

其十二

西北浮雲起奇峰何峻嶒飄風適與會倏忽吹之  
平變幻在俄頃物理洵難憑處貴安足重處貧安  
足輕樂卻降皂隸屠販成功名願假垂天翼九萬  
厲飛騰

其十三

有美何清揚贈我金博山鏤錯珠玉光硯礪蛟龍  
盤甲煎然獸炭一室芳如蘭羅帳生微風青烟裊  
其間從風入懷袖承君清夜歡歡娛難再得元髮  
鏡中斑

仲冬家大人招釜山先生雪峰蒼水夜飲步

蒼水原韻

江都文筆與誰同，劇喜論交濁酒中。  
繞郭哀笳催落日，餘家隔溪驚雁入高風。  
林間大雅推先達，籬下長吟有數公。  
須信牀頭饒百甕，莫教歸騎簇鎗

紅

其二

雄談促席竝春容，下食將車我亦從。  
祇道賓朋題是鳳，誰云兄弟許如龍。  
座涼雲暗高城月，夜靜霜清遠寺鐘。  
却話南村烟水隔，幾時來訪葦門松。

其三

才名白社更誰同  
短景偏逢感慨中  
君向青雲仍落魄  
我悲黃葉尚從風  
塵談絕倒慚平子  
冰鑒何人是庾公  
惆悵扁舟歸歇浦  
相思遙望海霞紅

其四

傍城卜築與君同  
得暇相尋苦竹中  
歲暮不堪愁密雪  
巷居何處得雄風  
清時空抱三千牘  
殘夢無踪十八公  
且把匏尊傾綠蟻  
暫澆醜礪借春紅

其五

蒼水與雪峯交契故併賦

巖冬僧院雪霜容  
卓錫邀君每過從  
共道支公偏愛鶴  
何妨中散未馴龍  
翻經晝進林中飯  
借榻宵

聽月下鐘倘許追隨叅半偈便應同識寺門松

其六

漢庭獻策自雍容  
漢落谿山躡屩從  
豈信深巖終隱豹  
却憐舊水尚藏龍  
秋樽幾話燕關雪  
旅夢曾驚紫禁鐘  
幸有遣愁詩句在  
九峰高處獨巢松

冬日汎舟小飲

赤松谿長碧  
潮痕秦望山  
寒樹色昏半月  
不曾移釣艇  
一尊今喜出柴門  
凍雲忽散巖前寺  
斜日猶懸水上村  
簡散已饒丘壑趣  
中流擊楫敢誰論

溪上

溪上荆扉向晚開，酒朋日落市橋迴。  
秦巖樓閣雲中出，申浦帆檣樹裏來。  
薜荔十年棲澤國，關山萬里隔燕臺。  
更堪島嶼氛祲滿，野戍常聞畫角哀。

人日舟行

人日經行野水濱，千村霽色海門分。  
雙帆出樹晴銜照，斷塢浮江曉入雲。  
漫引扁舟同少伯，却看殘鬢笑終軍。  
年華漸逐東流逝，爆竹春催隔岸聞。

馮景修元夕新婚戲贈

芳春紫燕入簾櫳，共羨朱樓羸女同。  
九子墨浮蟬鬢色，五銖衣試露桃風。  
佳期恰值冰輪滿，良夜初

看火樹紅却笑章臺走馬後等閒學得畫眉工

酬董得仲步原韻

才名東海媿三何水國卑樓繞綠蘿夏日鳥鳴臨  
澗樹春風人踏落花坡藍田兄弟甘同逸董相園  
亭悵未過聞道九峰堪寄傲可容常和五噫歌

趙雙白盧文子以九月十九爲古重陽過軍

營看菊漫和

漫傳此日重陽節上客同尋細柳來飲馬池環秋  
圃淨射鵬人種菊花開風流不減陶潛里身世難  
登項羽臺莫笑茱萸頻插鬢東籬誰聽角聲哀

送友人入都

相逢每話燕山去，牢落江潭五六年。  
風雨久棲張翰里，鄉關初贈繞朝鞭。  
雲開秦嶽孤鴻遠，雪滿黃河匹馬前。  
東觀只今需作者，可能詞賦竝甘泉。

其二

送君書劍別葦城，城外寒山到眼睛。  
水驛霜凋官柳斷，秋江風急塞鴻鳴。  
士衡本是東吳俊，徐幹曾高北海名。  
太學碑成車滿路，遙知姓氏動神京。

其三

萬里秋高郭隗臺，羨君登眺實雄哉。  
雪浮陵樹西



山出鳥帶宮雲上苑來自有鳳毛能接武豈無狗  
監尚憐才明年余亦燕關客莫悵離羣旅雁哀

登一覽樓

白苧龍宮古嵯峨百尺樓窗開吳岫近簾捲越山  
浮顥氣來三泖晨光帶十洲花蹊眼底合粉堞望  
中收坐喜禪林靜閒聽仙梵幽天花度女散法果  
雁王投談道同支遁論詩有惠休勝遊消慧日高  
眺屬清秋香飯青蓮鉢新茶碧玉甌始知柰苑裏  
象外得尋按

歸

相寧山人集卷之三  
三  
季冬經旬客言歸春申路寒潮排岼來滾滾西南  
驚帆檣若有神截流競先渡旭日團江心孤亭豁  
津霧灘雁高下鳴沙搗參差度蒙密網翳村青蒼  
塙穿樹篙工午具餐木瓢酒如乳賞心動高吟協  
茲滄洲趣

春日雨中同朱子宿兄子武登細林山玉皇

宮

絕頂蕊珠宮懸崖石磴通璧壇浮樹杪仙磬出雲  
中冒雨尋蹊路捫蘿上碧空鹿鳴臨澗草鶯語隔  
巖風徑似來三島人疑友八公冰桃花正吐丹竈

火初紅絳節分珠闕霓旌列玉童祇隨看翠壁已  
是入蒼穹學道方知晚還真自有功餐霞須此地  
何必訪崆峒

情詩

我有金錯刀欲以贈所思所思在萬里雲山遠間  
之含情悵不見零落獨自知銀釭欹枕夜璧月聞  
砧時却羨雙棲鳥比翼臨清池

治宅

倦游棄人事結宇滄江曲宵戶羅疎星曉簾抱寒  
旭松瀉滿逕濤竹裊臨巖綠試揣元豹隱何似祗

羊觸蕭散十畝間聊以存余欲

郊居

匝月坐塵網徒樂至雲林一徑層巒碧蒼然秋氣  
深石潭鏡影濶檻檜翳岩陰踏葉鳥啼戶抱日魚  
戲潄琅玕若把翠園菊疑散金動息寫天趣曠蕩  
紆煩衿風清知溜響村靜識樵音雲裝喜俗汰烟  
駕耽孤臨青桂戀深壑紫蘭保幽岑此生作扣角  
終砥巢居心

堂成荅蒼水

鷓鴣幸有託結構東江陰夕弄月團戶朝玩雲截

林時舉花下酌長理松間琴綠楊冒芳沼黃鳥鳴  
丹岑詎曰侈廣榭蔭茲息蓬心何當君子惠遺我  
瑤華音愛而不忍棄藏之等兼金

山中

日出山中遊日落山中住晴雲窗際生忽斷千巖  
樹

題陳山人屋壁

茅簷小築傍高原避地真無人世喧楊柳數株同  
栗里溪流幾曲似桃源

炎夏

僦居山阿人何以消炎夏洒然豁心胸明月青松  
下

夏日鷹垂至舍

火雲蒸葦戶赤日爍東菑避暑傍溪柳把釣俯岩  
池歛睇龍翔海蒼茫雨無時山童走相報佳客臨  
茅茨披衣揖入門款款敘言辭惜別已五月空寄  
雲中詩東江隔帶水文鷁來何遲香醪幸方熟山  
杯歡共持碧泉濯朱果銀盤折藕絲竹窗清珍簟  
水閣進涼颺且敦十日飲以罄從前思乍無瑤華  
篇羊何共和之自亮草木腐樗劣甘世嗤

無題 擬李義山體

芙蓉帳小傍銀屏猶記瞳矐夢未醒皓質髻垂明  
鏡綠聯娟眉帶遠山青虛無交甫逢神女惆悵陳  
思感洛靈一霎閒情春脉脉幾番風信幾飄零

其二

寂寞鶯花繞故林曉雲籠檻畫堂陰風飄楊柳千  
條怨雨捲芭蕉一寸心織女玉梭河漢濶嫦娥冰  
鏡月宮深閒來譜得烏棲曲寫入鴛鴦蜀國琴

其三

獨棲粧閣嘆離羣心字和香寶鴨焚可憶左芬還

尚少誰憐蘇蕙更能文  
愁中望遠應成石夢裏留  
歡總是雲無那清宵聽  
不得空庭別鶴唳嘗聞

其四

盡日清光繡戶扃  
洛陽開遍杏梅青  
穿簾舞蝶雙雙見  
戲蕊遊蜂宛宛停  
巧織幾裁回字錦  
護花誰掛合歡鈴  
齋心欲禮三生悔  
寫得歐陽般若經

其五

杏花飄泊柳花殘  
雨驟風狂不忍看  
對景羞將珠箔捲  
焚香難解玉樓寒  
鶉聲啼處情何禁  
鳳蠟燒時淚未乾  
欲散閒愁愁轉劇  
教人盡日倚闌干



其六

簾前紫燕受風輕  
楊白花多惹恨生  
香解贈韓原有幸  
牆能窺宋豈無情  
描來比翼香羅扇  
彈就相思玉柱箏  
神女莫嗟空是夢  
人間還悵夢難成

其七

日長人倦鎖簾櫳  
寶鴨香飄鳳帳風  
眉萼不須螺黛綠  
唇珠疑借石榴紅  
仙姿驚訝來蓬島  
幽意空將託守宮  
無限相思頻悵望  
萬山遮盡只牆東

其八

好夢應期珀枕濃  
玉樓驚斷五更鐘  
人居桂魄高

難問客過蘅臯帳未逢曉露溼窗枝喚鳥殘花窺  
帳燭銜龍天台亦在人寰裏去後劉郎隔萬重

其九

漸看圓月已成鉤一斛明珠萬斛愁幾拂烏絲臨  
玉案誰憑青鳥問朱樓草名卷耳難消恨花到虞  
令不耐秋遙憶天邊牛女夜碧雲斜漢兩悠悠

其十

良辰嘉景畫樓東秦女簫聲自綺櫳不待飾粧迷  
下蔡若教響屐擅吳宮綵雲縹緲三山外離恨淹  
留一夢中彼美未逢徒結想春愁漠漠五更風

閨情

羅幃空寂寂繡戶長莓苔燕子來還去期歡更不  
來

雪

晴岩雪作梅晨起憑茅閣微風時自生銀花枝上  
落

聞砧

皎皎三秋夜淒淒月色新霜砧空外響知是玉樓  
人

橫雲山人集卷第三